

anno monebatur a quibusdam, vt omnia ad Te mitterentur, quod certissime optassem. Tunc rite determinarentur, quod nunc vix obtinebitur.

Herbarium meum nec paruum est. In ordinem illud redigere ipse nunc incepti et determinatione Tua benignissima me subleuasti . . . ¹⁾

Specimina tantum elegi minima, ne litterae meae pondere nimio augeantur . . . ²⁾ Vale, Vir optime, fauereque perge.

An plantas aliquot aut alia naturalia a Dom. Solandro e mari australi reduci accepisti? Credo tamen eum praeceptoris benignissimi memorem.

Paucis verbis mihi vt respondeas oro rogoque.

Hafn. die XXVIII Jan. 1773.

(82)

Viro generosissimo

Dom. C. a Linné

Equiti splendidissimo, Archia-

tro Regio atque Professori

celeberrimo

s. p. d.

J. C. Fabricius

Gratias, quas debeo, easque maximas ago pro benignissima TVA informatione de plantis. Diu iam responsum tulissem, plantarumque continuationem misissem, nisi praeparationes pro instante itinere me impediissent. Praeterea occasio ad transportandas plantas mihi omnino defuit, nunc vero secretarium legationis Vestrae rogabo, vt paruum hunc fasciculum ad TE mittat.

In praecedentibus TVIS litteris de N. 5 quaeris num folia alterna? at sunt opposita et flos regularis. N. 7. ex Insulis nostris Americanis.

Addam nunc obseruationes quasdam de plantis in fasciculo nouo contentis. Beneuolentia TVA solita, vt spero,

¹⁾ Liste over Planter med tilføiede Bemærkninger.

²⁾ Flere Bemærkninger til Sendingen.